

Հյուրըման—Մեյի—Բենվենիստի Պետր է նշել, սակայն, որ որոշ դեպքերում տառադարձության մեջ նկատվում է հայերենի հին (զրարար) և նոր արտասանության միօրինակացում, ինչպես՝ զ-ն միշտ տառադարձվում է ցի, թեև զրարարում այն հնչել է որպես չ։

Հնչյունական համակարգը բնավում է ըստ ձայնավոր, ձայնորդ և բաղաձայն ենթահամակարգերի, որի ընթացքում հնդկական առաջնորդվում է համեմատական հնդեվրոպականության և հայագիտության դասական մակարդակով (Հյուրըման, Մեյի, Աճառյան), մասնավորապես ընդունելով հնդեվրոպական նախալեզվի պայթական բաղաձայնների շորս շարք, զուգահեռներ անցկացնելով դերմանական լեզուներում (այդ թվում անգլերենում) այդ նույն բաղաձայնների տեղաշարժի հետ և հայերենում կրած նրանց

հետագա ձևափոխությունները ներկայացնելով համեմատական աղյուսակների տեսքով։

Որպես վերջաբան, ընդհանուր եզրակացություններից բացի, գրքում ներկայացվում է հայագիտության այժմյան վիճակը, նշվում, որ հայերենի ուսումնասիրության կենտրոնը ներկայումս Եվրոպայից տեղափոխվել է Հայաստան, որտեղ հայագիտական ավանդական գիտակարգերի հետ մեկտեղ զարգանում են նաև փորձառական հնչյունաբանությունը, հանրալեզվաբանությունն ու հոգեբանականությունը, լեզվաբանական աշխարհագրությունն ու մեքենական թարգմանությունը և այլ ժամանակակից ուղղություններ։ Վերջում, հավելածի ձևով տրվում է նաև գրքում տեղ գտած բառանյութի հայերենանգլերեն բառարան և հատրնտիր մատենագիտություն։

Լ. Ս. ՀՈՎՍԵՓՅԱՆ

LOUIS VANDEN BERGHE EN LEON DE MEYER, *Urartu: een vergeten cultuur uit het bergland Armenie*, Saint-Pietersabdij-Gent, 9 oktober 1982—30 januari 1983.

ԼՈՒԻՍ ՎԱՆԴԵՆ ԲԵՐԳԵ ԵՎ ԼԵՈՆ ԴԵ ՄԵՅԵՐ, Ուրարտու, Հայկական լեռնաշխարհի մոռացված մշակույթը, Սենթ-Պիտերսաբդի-Գենտ, 9 հոկտեմբերի 1982—30 հունվարի 1983

Վերջին տարիներս Ուրարտուի պատմության և մշակույթի նկատմամբ հետաքրքրությունը աշխարհում կրկին աճել է։ Եվրոպայի տարբեր երկրներում կազմակերպվում են ուրարտական մշակույթին նվիրված զանազան ցուցահանդեսներ, հրատարակվում են կատալոգներ<sup>1</sup>։ Վերջիններիս շարքում ուշագրավ է հուլանդացի գիտնականներ Լուիս Վանդեն Բերգեի և Լեոն Դե Մեյերի (աշխատակցել է նաև մի երրորդ անձ, որի անվան սկզբնատառերն են նշված միայն՝ B. O.) «Ուրարտու, Հայկական լեռնաշխարհի մոռացված մշակույթը» կատալոգը։

Մյունխենյան կատալոգի համեմատությամբ, որտեղ յուրաքանչյուր բաժին գրված է տվյալ շրջանի մասնագետի կողմից, գրախոսվող աշխատանքը որոշ չափով կոմպիլյատիվ բնույթի

ունի։ Կատալոգի կարևոր արժանիքներից մեկն այն է, որ այստեղ ի մի են բերված Արևմտյան Եվրոպայի (մասնավորապես Շվեյցարիայի) թանգարաններում պահվող ուրարտական նյութերը, որոնց հրատարակությունը մեծապես էլքնապաստի դրանք գիտական շրջանառության մեջ դնելու գործին։

Կատալոգը սկսվում է Ուրարտուի պատմության ուսումնասիրությանը նվիրված ոչ մեծ հոդվածով։ Այնուհետև որոշ տեղեկություններ են տրվում Ուրարտուի պատմական աշխարհագրության ու քաղաքական պատմության մասին։ Կատալոգում տեղ է գտել նաև ուրարտական արքայական դինաստիաների լրացված համեմատական ժամանակագրական աղյուսակը, որտեղ Ուրարտուի պատմության վերջին շրջանը և ժառանգորդության հաջորդականությունը ներկայացված է երկու տեսանկյունով, որոնցից առաջինը Ն. Վ. Հարությունյանի առաջարկած արքայացանկն է<sup>2</sup>, իսկ երկրորդը հայտնի է Մուն-

<sup>1</sup> Urartu, Ein wiederent deckter Rivale Assyriens. München, 1976; Urartu, Das Reich am Ararat. Hamburg, 1979; R. Tanabe, A. Hori, S. Miyashita, K. Ishida. Studies in the Urartian Bronze Objects from Japanese Collections.—Bulletin of the Ancient Orient Museum, v. IV, Tokyo, 1982.

<sup>2</sup> Н. В. Арутюнян. Некоторые вопросы последнего периода истории Урар-

խենի կատալոգից<sup>5</sup>։ տարբերությունը այն է միայն, որ Մինուայի որդի Ինուզպուան այստեղ առանձնացված է և նրա անվան հիշատակությունը ուրարտական դինաստիայի առաջին ճյուղն ընդհատվում է։ Մեղ թվում է, առանձին ճյուղ անհրաժեշտ էր առանձնացնել նաև Իշպուների որդի Մարդուրիի համար (ինչպես ժամանակին առաջարկել է Լեման Հաուպտը), որի անունը հայտնի է Ասորեստանի արքա Սարգոն II-ի մի արձանագրությունից<sup>6</sup>։

Կատալոգում համառոտ ակնարկ է նվիրված ուրարտերեն լեզվին, գրին և արձանագրություններին, ինչպես և տարբեր աստվածությունների պաշտամունքին ու պատկերագրությունը։ Համեմատաբար մեծ ուշադրություն է դարձված ուրարտական ամրոցների, ռազմական, քառանկյուն կառույցների և պաշտամունքային շինությունների ճարտարապետությանը, հրատարակված են լուսանկարներ, լատիներով լեզվով բացատրվում են քառանկյուն կառույցների և տարբեր ուրարտական այնպիսի հայտնի հուշարձանների, ինչպիսիք են Կարմիր բլուրը, Բաստամը, Ալթին թեմին, Վանի քարանձավները, Առանձին հողմածներ են նվիրված Ուրարտուի քանդակագործությանը, որմնակարչությանը, մետաղի մշակման ու դրվագման արվեստին և բրոնզե անոթների պատրաստմանը։ Քարտեզագրության բաժնում քննարկվում են ուրարտական կնիքների կրեք տիպեր և նրանց վրայի պատկերների մի քանի սլուծվածներ։ Կատալոգի 12-րդ բաժինը նվիրված է ուրարտական կահույքին և նրա վերականգնման սկզբունքներին (հիմք ունենալով Ասորեստանից, Հյուսիսային Ասորիից, Եգիպտոսից և Հնդկաստանից հայտնի համանման օբյեկտները)։

Կատալոգի պատկերների մասը կազմված է 239 իրերի նկարներից։ Այն սկսվում է մի քանի գունավոր անոթների և բրոնզե արձանիկների լուսանկարներով, որոնք միանգամայն իրավացիորեն վերագրվում են նախաուրարտական շրջանին։ Կատալոգում ուշադրություն են դրվում սաղավարտների լուսանկարները, որոնց մի մասը հրատարակվում է առաջին տեղում։ Առանձնապես հետաքրքիր է մ. թ. ա. IX դարի վերջին քառորդով թվագրվող, Իշպուրի արքա-

յին պատկանող կատարով (գավգամակով) սաղավարտը, Մայնցի Ռոմանո-գերմանական թանգարանից։ Այն ուրարտական սաղավարտների մի նոր տեսակ է, որը հայտնի է միայն էրեբունի որմնակարներից<sup>7</sup>։ Այս իրը կատալոգում հրատարակված է ոչ ճիշտ դիրքով. սաղավարտի կատարը պետք է ավարտվի առջևում։

Նոր լեն, բայց մեր դիտելիքները լրացնում են առյուծի պատկերներով վահանները, նրանց բեկորները և բրոնզե միջնամասերը, ինչպես և տարբեր ձևերի բրոնզե լանջապանները՝ դադարված հաղթի աստծու թևավոր պատկերներով։ և խաչաձև լանջապանները, որոնցից մեկի վրա դրվագված է կենաց ծառի շրջված պատկերը։ Կատալոգում սխալմամբ լանջապան են համարվել նաև ձիու ճակատակալները։

Առանձնակի հետաքրքրություն են ներկայացնում առաջին անգամ հրատարակվող ձիու բրոնզե կլոր երախակալները, որոնցից մեկը առյուծադեմ է և ունի սեպագիր արձանագրություն՝ «Ինուզպուայի զենքի տուն»։ Սա առաջին և առաջին միակ ուրարտական արձանագրությունն է, որտեղ հիշատակված Eurišhusi-ն թագավորի չի պատկանել։

Հատուկ ուշադրության են արժանի մեծ մասամբ առաջին անգամ հրատարակվող ռազմական լծասուրբի մասը կազմող քաշանի ծալրակները՝ դարդարված գրիֆոնների, թևավոր ցուլերի բարձրարվեստ պատկերներով։ Այս իրերից մեկն ունի արձանագրություն՝ «Մինուայի զենքի տուն» և թվագրվում է մ. թ. ա. IX դարի վերջով—մ. թ. ա. VIII դարի սկզբով։ Կատալոգում հրատարակված մյուս համանման քաշանի ծալրակները պիտի որ նույն թվագրությունն ունենան։ Բոլորն էլ ծագում են Հայկական լեռնաշխարհի կենտրոնական շրջաններից. նման իրեր Սովետական Հայաստանի տարածքից ղեռնահայտնի չեն։

Կանգ շտեմելով բազմիցս հրատարակված և այստեղ ևս վերադրված առարկաների քննության վրա, կցանկանայինք ուշադրություն դարձնել միայն դրանցից մի քանիսի հրատարակության հետ կապված առանձնահատկություններին։

ту.—Древний Восток, 2, Ереван, 1976, с. 113—114.

<sup>2</sup> Urartu, Zeitafel der urartaischen Könige, S. 15.

<sup>4</sup> И. М. Дьяконов. Ассиро-вавилонские источники по истории Урарту.—Вестник древней истории, 1951, №№ 2—4, 49.

<sup>5</sup> № 14, 22, 23, 24.

<sup>6</sup> С. А. Есаян. Искусство портретного изображения Урарту.—«Математическо-математический журнал», 1982, № 3, էջ 176—190.

<sup>7</sup> Eurišhusi. այս դարձվածքը Ի. Մ. Դյա-կոնովը թարգմանում է «սպասքենի տուն» (տե՛ս И. М. Дьяконов, К вопросу о символике Халди.—Древний Восток, 4 Ереван, 1983, стр. 194).

րին. այսպես, ուղիղ, ծավալած հաստացող ծավրերով բրոնզե լկամները (61) անհրաժեշտ վերագրել ձիու հանդերձանքի տեղական՝ անդրերկրկասյան տիպին<sup>8</sup>։ Կատալոգում ներկայացված են ուրարտական մի շարք գոտիներ, որոնց նմանակները հայտնաբերվել են նաև Սովետական Հայաստանի ուրարտական հուշարձաններում։ Կասկած է հարուցում միայն № 93 լուսանկարում պատկերված գոտու ուրարտական լինելը։ Այն տարբերվում է հայտնի ուրարտական գոտիներից ոչ միայն իր զարդամոտիվով, այլև կատարման տեխնիկայով. ուրարտական գոտիների վրա հազվադեպ է հանդիպում «փախշող պարույրների» զարդանախշը. բացի գրանից, ամբողջ գոտին փորագրված է, իսկ ուրարտական վարպետները ուռուցիկ պատկերներ ստանալու համար փորագրման հետ մեկտեղ օգտագործում էին նաև զրվագումը։

Ուշագրություն է գրավում նաև արծաթե փորիկ դուլը, Ուրարտուի կենտրոնական շրջաններից, Իշպուինիի և Ինուշպուալի անունից գրված արձանագրությամբ (168), հանգամանք, որը

ներանց համատեղ կատարման մասին մի վրկայություն կարող է լինել։ Ցավոք, լուսանկարում արձանագրության միայն մի մասն է երևում (տրված է արձանագրության Մ. Սալվինիի տառադրած թարգմանությունը)<sup>9</sup>։ Իրի հայտնաբերման վայրի մասին տվյալները այս և Մյունխենի կատալոգներում միմյանց չեն համապատասխանում (Մյունխենի կատալոգում նշված է՝ Անդրերկրկաս)<sup>10</sup>։ Կա նույն բնույթի մի այլ վրիպակ՝ Վերին Ռուտհան գտնվում է Հյուսիսային Կովկասում և ոչ թե Վրաստանում<sup>11</sup>։

Կատալոգում հրատարակված են նաև կենդանակերպ գունազարդ անոթներ, որոնք իրենց վրա կրում են իրանական արվեստի ազդեցությունը և ծագում են հյուսիս-արևելյան Իրանից։

Այս կատալոգը կարող է հետաքրքրել ինչպես հնագետներին ու Հին Աշխարհի պատմությամբ զբաղվող մասնագետներին, այնպես էլ արվեստի տեսաբաններին։

Լ. Ն. ԲԻՑԱԳՈՎ

<sup>8</sup> С. А. Есаян, Э. М. Геворкян. Развитие удил в древней Арменнии.—Тезисы докладов всесоюзного симпозиума «Культурный прогресс в эпоху бронзы и раннего железа». Ереван, 1982, с. 118.

<sup>9</sup> М. Salvini. A dedicatory inscription of the Urartian King Ispuini.—Assur, v. I, № 8, 1978, p. 1—4.

<sup>10</sup> Urartu, p. 75, № 107, pl. 10.

<sup>11</sup> Е. И. Крупнов. Древняя история Северного Кавказа. М., 1960, с. 226—228.